

*Sigle: sl*

*Aufbewahrungsort: Pfarrarchiv St. Leonhard, Passeiertal/ Südtirol*

*Signatur: Fragment ohne Signatur*

[39,01][A]nshelmus der heylig herr der mit pet mit vasten und mit allen cristenlichen werchen vnser frawen pat das si im kundtāt wie vn(=)ser herr ir liebes kind gemarterd wurd und z[e] dem lesten do erschain im vnser fraw vnd [s]prach: Alles das mein kind erliten hat das kan nyemandt an wain ausgelegen yedoch sol ich nyemer waynen und klagen wann ich pin alles meins wayns und klagens [er]getzt und als du mich lanng peten hast [so] wil ich dir nichts versweygen. Also f[ragt] sie der heylig herr Anshelmus: Sprich <<...>> o liebe fraw wie was der anfangk des l<...>ns deines liben Kindes. Do antwurt im [vn]ser fraw vnd sprach: Do mein kind mi[t] [sein]en iungeren von dem abentessen auf(=)s<...> do kom Judas ainr aus seinen iungeren v[nd] v[e]rkaufft in den fürsten der Juden vmb xxx phennyng in den pitteren tod. Do sprach Anshelmus: Welherlay phennyng waren si. Do sprach vnser fraw: Es was der müntz des volks von Ysmahelia der pfennyng darumb herr Joseph verkauft ward vor viertausend iaren und die waren kōmen.